

弘

簡

錄

弘簡錄卷一百九十六

明刑部員外郎仁和弘齋邵經邦學

皇清翰林院侍講學士四世孫遠平校閱

雜行 宋十二之三

外戚

杜審琦

弟審璠審積審進從子彦圭彦鈞孫守元族孫常曾孫惟序

劉知信父遷子承宗

劉文裕

弟文質從子漢德

賈令圖

附得重進

王繼勳

張承德

曾祖丕

宋傑

尹崇珂

符彥卿

子昭憲昭壽曾孫惟忠

郭守文

子從仁

劉美

子從德從廣孫承年

楊景宗

族孫應詢

郭崇

張堯佐

附籍類

杜審琦昭憲皇太后見世居常山以積善聞仕後唐爲義軍指揮使天成二年年三十五卒太祖問國贈左神武軍大將軍子彥超爲西京作坊使卒贈左領軍衛大將軍 弟審瓊建隆初

授國子祭酒歷左領軍衛左龍武軍衛將軍乾德初領富州刺  
史判右金吾街仗兼點檢侍衛步軍司事卒年七十廢朝發哀  
成服贈太保寧國軍節度使諡恭僖爲人性醇質在公畏慎宿  
衛勤謹徵巡京邑里閭清肅人皆稱之景德三年與審肇俱加  
太傅妻吳氏陳留郡孥妻劉氏東海郡俱太夫人改葬陪陵又  
贈太師中書令 審肇建隆三年授左武衛上將軍檢校左僕  
射賜第京師領維州刺史開寶二年知澶州以未歷郡務命司  
封郎中姚恕通判州事以左右之未幾河決鄆濮數郡民罹水  
害太祖怒其不卽時言遣使案鞠論恕棄市免審肇歸第卒年  
七十二廢朝素服發哀贈太保昭信軍節度使諡溫肅子彥遵  
南作坊使 審進初授右神武改右羽林大將軍領賀州刺史  
乾德二年知陝州就改保義軍觀察留後加節度使郊祀西洛

來朝頒賚甚厚太宗加檢校太傅知澧州許昌裔訴其闕失詔  
拾遺李幹鞫之還從幹請支郡不復隸藩鎮皆得尋達郊恩加  
檢校太尉親征河東來朝值上幸大名勞軍暫留巡警都邑肅  
然復歸陝就加檢校太師俄授右衛上將軍改靜江預耕籍田  
加開府儀同三司卒年七十九駕臨哭廢朝設次成服親王公  
主並請舉哀贈中書令加尚書令益恭惠鎮陝二十餘年勸農  
敦本民庶便之雖居節制無驕矜之色人推其醇愿景德三年  
追封京兆郡王妻趙氏南陽郡太夫人 子彥圭六宅副使遷  
翰林使開寶五年領信州刺史歷饒州團練本州防禦使從征  
太原與曹翰孫繼業攻城西北班師與孟玄喆藥可瓊趙延進  
屯中山坐市竹木矯制免筭賈授洛苑使饒州刺史遷沙州觀  
察使知定州雍熙中命副米信爲幽州西北道行營都部署坐

設陣不整左遷均州團練副使卒贈歸義軍節度使景德二年  
加贈太師中書令 彥鈞初補供奉官遷崇儀使端拱初加莊  
宅使領羅州刺史淳化四年特授昭宣使西鄙用兵爲永興軍  
駐泊鈐轄真宗改潁州防禦使出知河州歷邠慶延鳳四州景  
德中爲天雄軍駕前東面副都部署契丹攻月城率兵擊走之  
再任河中有言其政事不舉者徙西京南北都巡檢使祥符五  
年復知莫與秦州拜密州觀察使并代副都部署卒贈安化軍  
節度使子贊文供奉官贊寧殿直孫宗壽三班奉職 守元開  
寶中補左班殿直帶御器械遷供奉官莫州監軍契丹入與州  
將固守城壁出兵邀擊獲生口羊馬以功加崇儀副使改正使  
歷如京洛苑使至道三年領梧州刺史連爲并代鎮定高陽關  
鈐轄祥符二年副趙積使契丹還蒞鎮定疾詔遣其子殿直惟

慶扶醫診候甫至而卒 族孫常字正甫折節學問無戚里習  
中進士調河陽司法叅軍爲富弼所禮遷河東運判河北提刑  
崇寧中至工部尚書以龍圖閣學士知河陽苦旱及境而兩河  
決親護役徙處墾上役人盡力郡賴以安卒年七十九 曾孫  
惟序字舜功山三班奉職累遷至供備庫六宅東上開門四方  
館祁乾二州團練等使會任福敗以騎兵數千由懷安路破賊  
三砦斬首數百級獲牛馬千計救巡警邊州時契丹勒兵燕薊  
間遣使求割地未至惟序預得其草以聞領忠州刺史大名路  
總管卒

劉知信字至誠邢州人父遷晉天福末鳳翔帳前軍使改滑州  
奉國軍校從驍將皇甫暉禦邊有功早卒母卽昭憲太后妹也  
乾德初封京兆郡太君六年進本郡太夫人開寶三年十月卒

廢朝發哀追封齊國太夫人陪葬安陵贈遷太保知信三歲而孤宣祖憐其敏慧建隆三年授供奉官轉六宅副使開寶五年遷軍器庫使掌武德司領綿州刺史郊祀西洛爲行宮使駐洛中又爲西京武德宮苑等使車駕出郊充大內留守太宗進領本州團練至武德使從征河東爲行宮使坐市竹木燭制左授軍器庫使進皇城使秦王廷美事累謫右衛將軍靜難軍行軍司馬起轉左衛領營州刺史雍熙初又轉左神武軍檀州團練使護兵屯鎮州北伐爲押陣都監師還諸將失道知信獨整所部以歸俄知定州兼兵馬鈐轄押大陣右偏獎丹乘其鴟士遂不介而出追之數十里斬獲甚衆以功就拜邕州觀察使召入改并州路副都部署端拱中代還知杭州淳化四年知天雄軍太宗崩充修奉永熙陵部署咸平初拜建武軍節度觀察留後

知永平軍府契丹犯邊復知天雄軍真宗北巡充駕前副都部  
著歷知河陽并州幸澆淵命爲東京都巡檢復知定州辛年六  
十三廢朝贈太尉天平軍節度使始以戚里被親任中外踐歷  
最爲舊故以循謹聞 子承宗幼善射濂習書數以蔭補殿直  
寄班祇候轉供奉官鎮定高陽關三路承受公事遷掌軍器庫  
真宗臨幸見其整肅而投閣門祇候轉內殿崇班祥符初就加  
內殿承制歷如京文思二副使河北河東緣邊安撫都監知保  
州俄拜東染院使知定州副薛瑛使契丹還兼鎮定路兵馬鈐  
轄改宮苑使知雄州河北緣邊安撫使在郡有治迹詔書嘉獎  
名歸時靈昌決河初塞擇守臣以承宗爲皇城使知滑州未幾  
代還會西邊言吐蕃喃斯囉作文法頗爲邊患命佐陳堯咨爲  
鄜延邠寧環慶涇原儀渭秦州路巡撫副使又轉西上閣門使



尤鈐轄乾興初進東上閤門徙鄭延都鈐轄而卒承渥蔭補殿  
直累任使職喜爲條奏至供奉官閤門祇候孫承釗右侍禁亦  
爲閤門祇候

劉文裕字以寧保州保塞人祖正晉幽州營田使兼平州刺史  
乃簡穆皇后之兄父審奇武牢關使從討李重進戰死三子長  
文遠建隆中爲供奉官與并人戰沒次文裕補殿直權管雲騎  
員僚直太宗居藩多得親接卽位擢內弓箭庫副使封母張氏  
清河縣太君至太夫人出爲秦隴巡檢上初分命親信密察諸  
道官吏善惡致誣封州李鶴伏法有李飛雄者故太保鑄之孫  
性兇儉縱酒蒲博常往來京師與魏博間無賴游父若愚前任  
秦州判官故飛雄得盡知倉庫及地形險易兵糈多少適往省  
妻父塾屋尉張季英還乘其馬詐稱土命夜抵厓置卒秉炬出

迎卒不能辨卽授以馬時秦州屬羌爲寇文裕與周承瑨田仁  
朗領兵屯清水縣飛雄燭稱上南府親吏驅殿直姚承遂供奉  
官王守定縣尉盧贇從已至則稱制盡縛承瑨等將械詣秦州  
戮之囚據城叛衆見承遂數輩同至不虞其詐皆號泣求詔書  
叱曰我受密旨以若輩運撓不用命令盡按誅豈不聞封州殺  
李鶴乎文裕哀告以已嘗依晉卽乞爲營救飛雄忽低語謂曰  
爾能與我同富貴否文裕始覺其詐卽僞許之命左右釋其縛  
策馬轉前附仁朗耳語仁朗佯墜馬若中風狀飛雄前視之又  
釋其縛因起奮搏共擒飛雄送秦州獄鞠實與承遂等俱坐要  
斬奪其家捕先與相善何大舉等悉棄市旣置卒亦坐誅遷文  
裕軍器庫使征太原與王侁分兵控石嶺關加領備州刺史爲  
高陽關都監契丹騎入與大將崔彥進擊邵之雍熙初徙屯三

交加順州團練使會李繼遷率折遇七寇邊命代仁期擊走之  
北征中揚業而失削配登州俄起爲右領軍衛大將軍端州團  
練使遷容州觀察使出爲鎮州兵馬部署卒於屯所年四十五  
上甚悼惜贈寧遠軍節度使 又次文質字士彬幼從母入禁  
中授左班殿直遷西頭供奉官寄班祿候太宗悅其忠謹頗親  
信之訪以外事嘗語內侍竇神興謂朕之近親賜以白金百斤  
出爲兩浙走馬承受公事擢西京左藏庫副使肯嵐軍使賜金  
幣名馬徒知麟州改濁輪砦兵馬鈐轄擊吐蕃萬保移走之越  
河破契丹拔黃太尉砦殺獲萬計賜錦袍徙知慶州繼遷入寇  
以私錢二百萬給軍士皆感奮遂大破賊徒涇州充滑遠都監  
又破敵於枝子平咸平中坐滑遠陷奪官雷州安置久之起爲  
太子率府率封泰山爲青齊淄濰州巡檢進禮賓副使石隰緣

邊都巡檢使徙秦州鈐轄建小落門峇親率士版築成賜白金  
天禧中至代州再遷內園使知邠州數從曹瑋出戰築堡障領  
連州刺史卒真宗厚賻其家然以性剛喜評刺貴近短長故不  
大顯子十六人漢字仲章陰將作監簿監并州倉天聖中上書  
請太后還政后震怒將黜隸遠州呂夷簡薛奎救免仁宗親政  
擢爲右正言與孔道輔等伏闕爭廢后罰金俄擢屯田員外郎  
夏人叛請間道走青唐通河西唃氏諭以恩信大集族帳誓死  
扞邊遣騎護出境得其誓書與西州地圖以獻加直昭文館陝  
西轉運使由工部郎知滄州改吉州刺史轉保州保自戍卒叛  
後兵益驕漢至虎翼軍謀舉城叛民大恐漢乃單騎叩管城斬  
首惡一軍帖服徙登州益治戰艦海寇不敢犯詔嘉獎歷知邢  
恩冀涇瀘五州恩承賊跡踐經理繕葺有兵民犯法一切用重

典威令大振治平中河北地疫民鬪苟活率賤賣耕牛渙盡發  
公錢買之至明年價增倍復以元直與民賴不失業歷秦鳳涇  
原真定定州四路總管鎮寧軍節度觀察留後熙寧中爲工部  
尚書致仕爲人有才畧尚氣不羈臨事無所避然銳於進取方  
開拓洮岷討安南露章自効不報卒年八十一 滄字子潯顏  
知書深沉寡言有知畧蔭補三班奉職累遷右侍禁康定中爲  
渭州瓦亭砦監押權靜邊砦擊破黨留等族遷左侍禁韓琦范  
仲淹薦長閣門祇候又被穆罕生氏西南去洛陽二百里中有  
城曰水洛川平土沃有水輪銀銅之利環城數萬帳漢民逋逃  
者歸之教其百工商賈自成完富曹瑋在秦州嘗經營不能得  
滄進城章川收善田數百頃以益屯兵密使人說城主鐸斯那  
令內附會鄭玳行邊其氏屬來獻結公水洛路羅甘地願爲屬

戶戩卽令涇將兵往受地既至而氏情中變聚兵合圍縱人呼  
謀官軍纜千人前後又無授兵涇堅卧因令棧炊坐胡床指揮  
進退及戰氏潰追奔至石門氏皆稽顙請服盡驅其衆隸麾下  
以通秦渭之路又敗臨洮氏於城下遷內殿崇班方遣董士廉  
以三將兵助築城未半會戩罷四路招討而涇原尹洙以爲不  
便令罷築涇不聽命張忠往代又不受洙怒使狄青械涇并士  
廉下獄氏衆驚收積聚殺吏民爲亂朝廷遣魚周詢程戡往視  
氏衆來言願以牛羊及下壯助工乃復以涇權木洛城城成以  
違安撫節制黜一官爲鎮戎軍西路都廵檢俄復官瘍發於首  
卒弟淵將以其柩東歸居人遮道號泣就請留葬立祠祀之經  
畧司言其得熟戶心願得涇子弟主其城乃命其弟淳爲水洛  
城兵馬監押城中有碑記涇事

賀令圖父懷浦孝惠皇后兄仕爲散指擲使太平興國初領岳州刺史屯三交從楊業北征死於陣令圖少謹愿隸太宗左右卽位補供奉官改絳錦副使知莫州遷崇儀使知雄州雍熙二年領平州刺史充幽州行營壕砦使以所部下固安新城兩縣克涿州遷六宅使領本州團練使護瀛州屯兵在邊郡凡十餘年恃藩邸恩每入奏多言邊塞利害契丹主少母后專政寵倖用事請乘其釁以取幽薊上信之故有岐溝之舉旣而師敗議者咎其貪功生事適契丹于越耶律遜寧使謀詐言獲罪本國願歸南朝令圖輕信私遺重錦十兩于越果入與劉廷讓戰于君子館令圖爲先鋒于越傳言願得見雄州賀使君令圖不虞其詐尙謂來降卽引麾下數十騎逆之將至其帳于越據床罵曰汝常好經度邊事乃今來送死耶麾左右盡殺其從騎反縛

而去始與其父首謀北伐一歲中皆陷焉時年三十九同死者  
高陽開部署楊重進太原人少有膂力周祖鎮大名以隸帳下  
廣順初補衛士宋初累遷內殿直都虞候太平興國初改龍衛  
軍都校領徐州刺史征太原爲萊州刺史隨曹彬北征領武州  
防禦爲右廂排陣使死時年六十五

王繼勳孝明皇后同母弟生時見一人赤髮惟貌入室中及長  
美風儀性兇率無賴以后故爲內殿供奉都知領溪州刺史加  
恩州團練永州防禦龍捷右廂都指揮使收復湖南改領彭州  
俄遷保寧軍節度觀察留後虎捷左右廂都虞候權侍衛步軍  
司事所爲多不法雄武軍所將新募兵千餘多無妻室將遣出  
征太祖謂願爲婚者不須聘財但酒炙可也繼勳不論上旨縱  
令掠人家子女京城紛擾上聞大驚捕斬百餘人始定時后已



崩上追念故不之罪復爲部曲所訟詔中書鞫問解兵柄爲彰國軍留後奉朝請自以失職怏怏常鬻割奴婢爲樂前後多被害忽天雨墻壞羣婢突出訴寃上大駭命中使就詰之盡得所爲不法事詔削官爵勒歸私第仍令甲士守之俄配登州未至改右監門率府副率開寶三年命分司西京殘暴愈甚強市民家子女小不如意卽殺與僧廣惠共食之洛民害苦不敢告太宗頗聞其事命知雜雷德曠往鞫之具伏乃斬繼烈并殪市女僧令折廣惠脛而斬之洛民稱快

張承德字抱一并州陽曲人家世饒財曾祖丕尚氣節後唐武皇鎮太原急於用度多選富家子掌帑藏或調度不給卽坐誅沒入貲產丕年已滿歲適宗人政當次補率族屬泣拜請濟其急丕又爲代掌一年鄉里服其義父穎事晉至安州防禦使承

德生四歲母馬氏被出育於祖母周祖初爲侍衛與頴善乃以女妻永德及爲樞密使表授供奉官乾祐中鎮鄴命賜外兄常遇生辰禮幣時已被讒聞有密詔族周祖家永德微探其意請以已屬吏遇愕然曰君視丈人事得成否永德曰姦邪蠹政郭公誓清君側其事必成無何周祖登位遇賀且謝曰老夫幾誤大事選授左衛將軍駙馬都尉內殿直小底四班都知領和州刺史妻封晉國公主逾年擢殿前都虞候恩州團練使俄遷殿前都指揮使泗州防禦使年方二十四與宋祖同事世宗相與甚厚宋祖聘孝明后永德出緡錢金帛數千助之世宗親征劉崇命與宋祖各領牙兵二千分進大撻降崇軍七千餘世宗駐上黨名語樊愛能何徽不用命永德進曰陛下欲固守封疆則已必欲開拓疆宇威加四海宜痛懲其失遂誅二將以徇軍威

大振進攻太原命北控忻口以斷契丹援路敗其衆二千餘遁去師還徙義成軍節度使時父瀕爲曹澄等所害澄奔南唐會議征討承德請自効師至壽春敗劉仁贍因執澄等三人求緩師始甘心焉又與宋祖領前軍至紫金出吳人列十八砦承德設伏宋祖麾兵直攻第一砦承德發伏馳入據之翌日攻第二砦鼓譟而進敵衆遁去俄屯下蔡破其水軍詔褒美擢爲殿前都點檢克壽州授檢校太尉領鎮寧軍節度使北伐還加同中書門下平章事入宋加兼侍中來朝改節武勝軍名對後苑與道舊故飲以巨觥每呼駙馬不名時并汾未下帝問計安出承德對曰太原兵少而悍加以契丹爲援未易取也臣意每歲多設游兵擾其農事仍發間諜絕其援師然後可也帝然之討金陵以已查造戰船運糧自順陽沿漢水而下宮民高進訟之命

曹翰往按無狀翰以進授承德者而釋之時稱長者太宗既位來朝拜左衛上將軍封鄧國公連知滄雄定三州端拱元年又改鎮安化軍召還爲河北兩路排陣使屯定州與契丹戰斬獲甚衆內艱起復改知鎮州淳化二年徙節泰寧軍兼侍中判并州兼并代都部署俄坐敗茶爭利罷爲左衛上將軍真宗進封衛國公未幾判左金吾衛仗事請老授太子太師分司西京咸平三年授檢校太師彰德軍節度使知天雄軍卒年七十三護柩還京贈中書令諸孫遷秩者五人其出母後適安邑劉祚祚卒迎歸與繼母劉氏並事以孝聞累朝恩渥不替嘗賜冠帔封莒國太夫人孫文蔚大理寺丞遷虞部員外郎文炳殿中丞初承德未遇時有睢陽書生能煮黍成金承德懇求其法生日君後遇真主當大貴吾不吝此慮損君福言訖而去後承德領兵

屯下蔡牙帳前後隊伍部曲八百餘人皆金鉞銀槊繪繡旗幟  
承德善騎射左右分掛十的握十矢疾馳五發疊中淮尺環視  
有一僧睥睨遮名之乃前書生也留宿帳中言始語君貴幸今  
不謬終能謹節降志禮賢當保五十年富貴因授以天文術數  
嘗與僚佐會食有報遼兵至者用太白萬勝訣占之曰彼以年  
月使利乘金而來反值歲星對逆兵家大忌必敗未幾折御卿  
捷至衆皆歎伏

宋僮木名延僮祖瑤唐天德軍節度使兼中書令父廷浩尚後  
唐莊宗女義寧公主歷石原房三州刺史晉初爲汜水關使張  
從賓叛力戰死之僮年十一補殿直遷供奉官晉祖以莊宗故  
每入見詔令勿拜從容謂朕於主家誠無所靳但朝廷多事府  
庫空竭今居輦下薪米爲憂命僮分司就養奉主居西洛以就

豐泰漢祖在晉陽復遣子承訓奉書以承寧公主與倅結婚累  
授北京皇城使乾祐初拜右金吾大將軍駙馬都尉隱帝授昭  
武軍節度使移鎮滑州廣順初內艱服除授左監門衛上將軍  
恭帝加開府儀同三司宋初加檢校太師領舟師巡撫江徼察  
李重進有謀飛章以聞詔屯海陵以觀去就親征為行營排陣  
使重進平以功改節保信軍來朝徙鎮華州會鑿池都城南命  
習水戰車駕數臨觀焉改忠武軍節度開寶初太祖納其長女  
是為孝章后徙邠州太平興國初加同平章事移鎮定國軍從  
平太原又從征幽州詔與尚食使侯昭愿領兵萬餘攻城南面  
師還歸鎮五年冬車駕幸大名召詣行在改知滄州六年封邢  
國公遷同州又為右衛上將軍雍熙中知霸州卒年六十四廢  
朝贈侍中諡莊惠倅累代近親貴盛鮮比然能謙恭下士子元

靖供備庫使元度副使元載元亨並左侍禁閤門祇候孝章寢疾語晉國長公主無他憂惟慮族屬不睦貽笑於人景德中幼子元翰果詣京師求析家財真宗弗問諭其族屬務遵先后遺戒元度子惟簡爲殿直惟易爲奉職

尹崇珂淑德皇后兄父延助歷磁同滌三州刺史崇珂初事周世宗於藩邸以謹厚稱卽位補東西班都知以職高平有勞績遷本班副點檢從征淮南遷都虞候改殿前都指揮使宋初出爲淄州刺史有善政民詣闕請刻石頌德太祖命侍御史李穆撰文賜之討湖南爲行營前馬軍都指揮使與潘美丁德裕克郴州改授朗州團練使征嶺表以爲行營馬步軍副部署嶺南平命與潘美同知廣州兼市舶轉運等使錄功遷保信軍節度使未幾南漢開府樂範容州都指揮鄧存忠韶州賊帥周思瓊

春思道都指揮麥漢瓊等據五州之地復命討之遣中使李神祐督戰數月盡平其黨還治所六年卒年四十二贈侍中中使護喪歸塋洛陽錄其弟崇珪子昭吉並西京作坊使後領欽會二州刺史至洛苑使昭輯供奉官閣門祇候

符彥卿字冠侯五代時存審子年十三能騎射性謹愿出入唐莊宗卧內及長以爲親從入汴遷散員指揮使天成中大破契丹于嘉山授慶州刺史耀州團練使晉天福初領同州節度使少帝時出鎮河陽三城加平章事改節武定軍漢祖移鎮兗州加兼侍中乾祐中兼中書令封魏國公守太保周祖卽位封淮陽王領天雄軍節度使尹大名進封衛王長女適世宗卽宜懿皇后拜太傅改魏王恭帝加太尉詔書不名建隆四年來朝欲留典兵趙普言其名位已極不可復委兵權宜已出普復留之



太祖問卿何苦疑彥卿朕待之厚豈忍負朕耶普曰陛下何以能負周世宗祖默然遂罷移鎮鳳翔被病請還洛陽從之次女復爲太宗皇后加太師彥卿本起家將子勇畧有謀善用兵凡得賞賜悉分帳下故士卒樂爲効死契丹自陽城之敗其主乘橐駝以遷喪其器甲旗仗數萬故尤畏憚之呼爲符王耶律德光陷晉其母問彥卿安在左右對已遣歸徐州矣母曰留此人中原何失策之甚其威名如此鎮大名餘十年政委牙校劉思遇貪黷怙勢公府之利多入其家彥卿不之覺時藩鎮率遣親吏授民租槩量增益公取其羨而魏郡尤甚太祖聞之遣常參官主其事斛量始平其羨餘粟詔賜彥卿以愧其心性不飲酒頗謙恭下士對賓客終日談笑不及世務不伐戰功居洛陽春月嘗乘小駟從家僮遊僧寺名園優游自適然酷好鷹犬吏卒

有過求名鷹犬以獻雖盛怒必勸之人以此譏卒年七十八  
子昭信天雄軍衙內都指揮使領賀州刺史顯德初卒贈檢校  
太保閩州防禦使 昭愿字致恭謹厚謙約頗讀書好事蔭補  
牙職俄領興州刺史國寶中補供奉官遷西京作坊副使出護  
陳許蔡頴等州巡兵征太原爲御營四面巡檢使攻幽州與宋  
僇率兵萬餘砮于城南師還真拜蔡州刺史知并澶二州連知  
永興軍梓滑二州咸平初又爲天雄邢州二鈐轄以疾求歸京  
師卒年五十七車駕臨哭贈鎮東軍節度使子承煦左千牛衛  
將軍 昭壽初補供奉官改西京作坊副使歷遷六宅副使領  
蘭州刺史雍熙二年命與劉知信護鎮州屯兵北征爲押隊都  
監轉尚食使真拜光州刺史知洪定二州咸平初遷鳳州團練  
使監州鈐轄在州恣肆放縱軍人怨憤爲神衛卒趙延順等八

人所殺子承諒娶齊王女嘉興縣主至內殿承制 曾孫惟忠  
字正臣以外祖母賢靖大長公主蔭爲三班奉職擢開門通事  
舍人勾當東排岸司三司使冠城繩下急漕米數不足吏卒率  
論自盜惟忠以法爭之城怒惟忠辨愈力咸得坐減久之以西  
棻院副使權提舉倉草場提點開封府界縣鎮公事宰相王曾  
外孫樂誥爲開封簿以無善狀不肯薦獨薦長城尉吳奎且厚  
遇之誥果以賊敗惠民河與刁河合流歲多決溢害民田惟忠  
自宋樓鎮礮濬橫隴村置二斗門殺水勢以接鄭河自是無水  
害陝西用兵除涇原路兵馬鈐轄兼知涇州再遷西上開門使  
副富弼往報契丹求地至武彊縣疽發背卒贈客省使眉州防  
禦使

郭守文父暉仕漢爲護聖軍使從周祖征河中戰死守文年十

四居喪哀毀周祖憐之名隸帳下廣順初補左班殿直至副都  
知宋初遷西頭供奉官蜀平遷知簡州邠來遺盜潘美獲嶺南  
劉鋹遣守文馳傳告捷遷翰林副使又從曹彬平金陵護送李  
煜歸闕知煜以拒命自歎諭曰國家止務恢復疆土致太平豈  
復有後至之責煜心始安改西京作坊使領翰林司事俄從黨  
進破并寇於團栢谷太平興國初秦州內附蕃部騷動命乘傳  
撫諭遷西上閣門使汴水決寧陵董宋毫丁壯赴役塞之又與  
閣門王侁入作石全振護塞靈河縣決河及征太原與判四方  
館梁颺分護行營馬步軍劉繼元弟繼文據代州依遼人之援  
以拒命復遣討平之俄受詔護定州屯兵大破遼人於蒲城以  
功轉東上閣門仍領瀘州刺史召還擢內客省使八年滑州房  
村河決發卒塞之復董其役遼人擾雄州命率禁兵數萬赴援

既至遁去雍熙二年率兵屯三交加領武州團練使命帥師討  
夏人破夏州鹽城鎮岷羅賦等十四族斬首數千級俘獲生畜  
萬計又殲咩嵬族諸部畏懼相率來降凡銀麟夏三州歸附者  
百二十五族萬六千餘戶西鄙遂寧北伐爲幽州道行營前步  
軍水陸都監粹與遼人遇流矢中之氣色不撓軍中服其量隨  
衆左遷右屯衛大將軍明年復舊職拜宣徽北院使與田欽祚  
並爲北面排陣使屯鎮州端拱初改南院使北面行營都部署  
兼鎮定高陽關兩路排陣使是冬遼騎南侵大破之唐河端拱  
三年十月卒年五十五上悼惜贈侍中諡忠武追封譙王爲人  
沈厚有謀畧頗知書每胡退習書百行出言溫雅未嘗忤人意  
得俸祿賜賚悉犒勞士卒死之日家無餘財士皆流涕太宗亟  
加嘆息賜其家錢五百萬爲納其女爲真宗夫人卽章穆皇后

也子崇德至太子中舍崇信西京左藏庫使同知皇城司卒以  
后兄特示優禮廢朝贈瀋州觀察使崇儼至崇儀使全州刺史  
贈涇州觀察使崇德子承壽虞部員外郎天禧五年錄孫若水  
爲奉禮郎 崇仁字永年淳化四年補左班殿直遷東頭供奉  
官閤門祇候契丹入寇齋密詔諭河北諸將還奏稱旨累遷崇  
儀副使兼閤門通事舍人章穆崩特除莊宅使康州刺史再遷  
宮苑使母憂起復雲麾將軍凡領昭解蔡三州團練使經十年  
除知相衛二州皆辭不行久之擢捧日天武四廂都指揮賀州  
防禦使高陽關路馬步軍副都總管以疾卒贈彰德軍節度觀  
察留後天性慎靜不樂外官雖居外戚未嘗過祈恩澤

劉美字世濟本姓龔以銀銀爲業後改姓劉初事其宗藩邸以  
謹力被親信卽位補三班奉職再遷右侍禁咸平中監傳潛軍

改陳穎巡檢使時石保吉在陳州大治解舍修城壁朝議頗以爲疑遣美廉狀言其世受國恩擁高貲列藩閫營繕過度忽於檢下誠或有之自餘保無他患上意乃解歸朝充閤門祇候祥符二年護漢州屯兵歷遷供奉官徙嘉州士卒有病皆給醫藥親察視撫循之名遷改內殿崇班提點在京倉塲東西八作司以舉職聞遷洛苑副使預修大內以勞改南作坊使同勾當皇城司天禧初遷洛苑使領勤州刺史與周懷政聯職未嘗阿附左右有過輒痛繩之親從卒偵邏者按籍更易番次必均上屢欲委之兵柄以皇后懇讓中輟者數四三年授龍神衛四廂都指揮使領昭州防禦使改侍衛馬軍都虞候五年加武勝軍節度觀察留後卒年六十歲朝贈太尉昭德軍節度使 錄其子從德供備庫使從廣內殿崇班婿馬季良由上虞尉躡致龍圖

開直學士旁親遷補者數人妻宋氏河內郡夫人仁宗嗣位太  
后臨朝從德以崇儀使真拜恩州刺史改和州又遷蔡州團練  
使出知衛州佐以屯田員外郎戴融轉恩州兵馬都總管知相  
州從德齒少無能特以外家故恩寵無比卒年二十四贈保寧  
軍節度使榮國公諡康懷妻王氏嘉州王蒙正女家豪右以厚  
貲結納至郎官都守融擢三司度支判官錄內外姻戚門人及  
僮隸數十人 孫永年字居錫四歲投內殿崇班許出入兩宮  
仁宗使賦小山詩有一柱擎天之語以爲奇童常置內中年十  
二始聽出外累遷廉州團練使陝州都監郭逸山等爲盜密遣  
壯士夜渡河殺其凶桀二十餘人衆遂散遷鈐轄代還攝幹辦  
皇城司單州團練使永興路總管契丹道使來請帝繪像遷副  
張昇報使會夜取巨石塞驛門衆皆恐永年素有力手擲棄之



驚以爲神出知涇州賜詩龍行振武卒素驕歲折支香藥三司  
不時輦遂突入廳事請以他物代語不遜永年數其罪斬爲首  
二人餘不敢動同提舉在京諸司庫務出知代州契丹取西山  
木前守皆不敢過永年遣人盡焚之契丹移檄捕縱火盜各以  
盜固有罪然發在我境何預汝事乃不復言帝嘗問禦戎策對  
合旨書忠孝二字以賜英宗遷沂州防禦使復知代州歷馬步  
軍殿前都虞候太原定州路副都總管王師征安南遷邕州觀  
察使步軍副都指揮使卒贈崇信軍節度使諡莊恪 從廣字  
景元少出入禁中侍仁宗左右太后愛之如家人子后崩真拜  
崇州團練使娶荆王元儼女授滁州防禦使元昊反自言不能  
扞患坐耗縣官願上所給公使錢帝嘉納之除羣牧都監改副  
使特拜宣州觀察使同勾當三班院請補外自效知洛州漳水

溢穿隋故渠以殺水勢洩人便之徙邢州緝鄉軍之罷老者聽引子弟自代著爲令召還復領三班院出知襄州徙真定府路馬步軍副都總管卒贈昭慶軍節度使諡良惠爲人性謹飭喜交士大夫時頗稱之

楊景宗字正臣章惠皇太后從弟少蒲博無賴以罪隸黥籍時宰相丁謂營第致致坊爲役卒負土第中后初爲美人奏補茶酒班殿侍遷西頭供奉官閣門祇候坐事降左侍禁鄂州兵馬都監復官遷東染院副使加封太后賜以謂居第進崇儀使領連州刺史楊泰潤三州兵馬鈐轄改總管爲舒州團練使在任使酒任氣嘗殿通判王述什地帝嘗深戒頃之復然后崩遷成州防禦使坐入臨皇儀殿被酒謹謀出爲充州總管改天雄軍副都總管帥呂夷簡以禮飭戒景宗肆志不悛奏貶齊州都監

歷衛鄆二州鈐轄召還同勾當景靈宮提舉四園苑及后升祔  
帝念故特拜徐州觀察使逾年領軍頭引見詞出知磁州爲建  
寧軍節度觀察留後知潞州領皇城司坐衛士入禁中謀爲亂  
復貶徐州觀察使知濟州還提舉萬壽觀復原官又坐從卒王  
安挾刃入皇城謫左監門衛大將軍均州安置起爲汝州鈐轄  
明堂軍恩還官求郡帝謂其性貪虐暴戾所至爲人患不與復  
以爲建寧軍留後提舉四園苑勾當在京諸司庫務卒贈安武  
軍節度使兼太尉諡莊定雖居外戚屢進屢退所得俸賜隨費  
無餘惟所賜第三十年不易時以爲鑒 族孫應詢字仲謀歷  
知信安保定軍霸州塘灤之間地沮洳水潦易集居人浮板以  
濟應詢爲增堤防闢長衢濬其旁以泄流居民賴之擢河北沿  
邊安撫使徵宗以歸信容城兩縣弓手爲契丹所禪欲增爲千

人或恐生事應詢爭曰吾欲備他盜彼安能禁我卒增之擢知  
雄州契丹與西夏結婚以朝廷方取夏地乞還不許多爲虛聲  
擁兵並塞中外疑懼應詢請治兵積粟示以有備彼將聞風自  
戢明年果還復遣其相蕭保先牛溫舒來請詔逆于境應詢願  
因守前議尋兼高陽關路鈐轄會邊人捕得北盜呂懺兒契丹  
以爲畧執平民詔使縱釋應詢不與坐違慢貶秩再遷洋州觀  
察使入提舉萬壽觀復爲定州真定大名副都總管卒年六十  
三贈昭化軍節度使諡康理

郭崇初名崇威以諱省父祖俱代北蕃長崇弱冠以勇力應募  
爲人重厚寡言有方畧後唐清泰中爲應州騎軍都校晉祖割  
雲應地路契丹崇耻李之奮身南歸歷鄆河中潞三鎮騎軍都  
校開運中戍太原漢祖起以爲前鋒入汴改護聖左第六軍領

郢與富州刺史從周祖平河中以功遷果州防禦使領護聖右  
廂都指揮使乾祐三年復從周祖與李筠拒慕容彥超於劉子  
陂走之補侍衛馬軍都指揮使樞密王峻遣率七百騎東拒漢  
相陰公贊遇於睢陽崇帥于牙門外贊名升樓崇未敢遣馮道  
下與語崇乃登具言天命已定軍情屬于周祖贊執崇手涕泣  
俛首久之俄而贊所領衛兵都校張令超以衆歸崇崇卽送贊  
幽館舍周祖卽位加領定武軍節度使南郊進同平章事鎮澶  
州世宗立并人侵澶州命崇與符彥卿禦之俄親征又副彥卿  
爲行營都部署師還加兼侍中移真定尹成德軍節度使恭帝  
加檢校太師宋初兼中書令崇感周室恩遇時復泣下監軍陳  
思誨密奏其狀因言常山近邊崇有異心宜謹備之太祖曰我  
素知崇篤於恩義蓋有所激發爾遣人覘之還言崇方對賓屬

坐池潭小亭飲博城中晏然太祖笑曰果如朕言未幾來朝代  
李重進爲平盧節度使乾德三年卒年五十八帝震悼贈太師  
子守璘洛苑副使妻卽明德皇后之姊孫允恭崇儀副使知常  
州孫女爲仁宗皇后天聖三年詔贈崇尚書令兼中書令守璘  
太尉寧國軍節度使允恭太傅安德軍節度使六年加封崇英  
國公守璘永清軍節度兼中書令允恭忠武軍節度兼侍中曾  
孫中庸左侍禁閣門祇候副使中和娶穎川郡王德嫔女爲西  
染院副使

張堯佐字希元溫成皇后世父舉進士歷憲與筠州推官吉州  
有道士與商人夜飲商暴死道士懼而遁爲邏者所獲捕繫百  
餘人轉運使命覆治盡得其寃改大理寺丞知汜水縣復遷殿  
中丞知犀浦縣因地狹民繁多川訟堯佐爲正其疆界條衆弊

以曉之訟遂簡擢知開州還判登聞鼓院時溫成方為脩媛欲以門閥自表異故堯佐稍進用權開封推官提點府界公事諫官余靖言進用不宜太速引楊尚二美人以為監未幾遷三司戶部判官歷副使天章閣待制權吏部流內銓兵部郎中知開封加龍圖閣直學士給事中端明殿學士三司使諫官包拯等又言比年以來水旱城郭地震河溢蓋小人道盛天下皆謂堯佐主大計諸路困於誅求內帑煩於借助法制頑敝實自茲始臣等竊惟親昵之私聖人不免惟慮之有道使不踐危機斯為得矣明堂恩改戶部侍郎尋兼淮康軍節度羣牧制置宣徽南院景靈宮四使並命又賜二子進士出身吳奎等復言陛下卽位三十年未聞有失道敗德之事乃五六年來擢用堯佐羣口竊議謂其過不在陛下在女謁近習與執政大臣蓋女謁近習

知陛下繼嗣未立既有所私莫不潛爲趨向執政大臣不能規諫乃從諛順旨高官要職惟恐不滿其意致陷陛下於過舉制下之日陽精晦塞氛露蒙宇宜斷以大義承命追寢必不得已宜徵節度擇與一焉如此則上合天意下順人情詔令中書戒諭言堯佐近任三司臺諫官皆言不可朕罷之又言優與之官於體爲善朕因此遂有是命今復以爲不可前後反覆於法當黜自今言事官相率上殿先取旨昇日從堯佐辭宜徵景靈二使未幾復以宜徵使判河陽訟有不決者多詣西京留臺吳育輒於狀尾判其曲直堯佐畏恐卽奉行之名遣徙鎮天平軍卒贈太師賜其家僮舍錢日三千堯佐初起寒士持身謹畏頗通吏治曉法律後遽至崇顯戀摻恩寵爲世所鄙子山甫引進副使樞密副都承旨后父堯封幼從學稽顙所爲文多留穎家後



令堯佐請頴求編次其藁爲序以獻頴不答亦不以獻 稽頴  
字公實宋城人父適爲石首簿有仁恩生頴登天聖進士授棊  
州團練判官王曾知青州徙天雄皆辟從事後薦遷太子中允  
集賢校理歷開封推官三司度支判官同修起居注知制誥兵  
部員外郎終翰林學士爲人謹厚篤學王曾張知白嘗訓其子  
弟曰公實若曹師表也

弘簡錄卷一百九十七

明刑部員外郎仁和弘齋邵經邦學

皇清翰林院侍講學士四世孫遠平校閱

雜行 宋十二之四 外戚

李用和

子璋

李端懿

弟端憲端懿

曹琮

從子倫借劄子評

高繼勳

子遵裕從憲

任澤

向傳範 任經孫孫宗回

王庠

祖伯琪父夢易

孟忠厚

從父孟卿

鄭興裔

韋淵

邢煥

潘永思

吳益 弟蓋

夏執中 謝淵

張說

李道

韓同卿

楊次山

李用和字審禮章懿太后弟少窮困居京師罄紙錢爲業仁宗既立劉后使弟美及張懷德訪求宸妃親屬得用和於民間奏爲三班奉職累遷右侍禁開門祇候權提點在京倉草場考城

縣兵馬都監妃薨詔赴喪既葬遷禮賓副使八作皇城二司轉  
禮賓崇儀二使領賀州刺史妃追尊太后改遷陵寢詔用和領  
捧日天武兵護梓宮明年春詔乘傳行太后陵還授寧州刺史  
歷遷至殿前都虞候耶延真定定州馬步軍副都總管故事公  
使錢皆得私入用和悉以爲軍費又歷侍衛親軍馬步副都指  
揮建武軍節度使殿前副都指揮使以老乞罷軍職拜宣徽北  
院使逾月改節彰信軍同中書門下平章事景靈宮使以疾告  
上臨問賜銀飾肩輿進兼侍中病革又幸臥內賜以居第并日  
給官舍僦錢五千既卒復哭之慟贈太師中書令隴西郡王輟  
朝五日制服禁中謚恭僖親撰神道碑曰親賢之碑妻卒亦輟  
朝成服時帝曰太后不逮養故喪寵外家特厚用和亦能小心  
靜默推遠權勢論者以此稱之子三 璋字公明以恩補三班

借職積官天平軍節度觀察留後知澶州護塞商胡會河漲訛  
言水且至璋據廳事自若人心乃安河亦不溢徙曹州觀察使  
累遷武勝軍節度使殿前都指揮使御書忠孝李璋字并秘書  
賜之宴近臣羣玉殿酒半出大盞二飲韓琦及璋如有所屬仁  
宗崩執政欲增京城甲士璋以例出累代不宜輒易又聞禁衛  
私告乾興故事內給食物中有金近亦賜食衆視無之璋諭曰  
天子未臨政已優賞汝何功復云敢誼者斬衆乃定俄以武成  
軍節度使知鄆州京東盜白日殺縣令略人道中璋爲信賞擒  
捕盜爲衰止歲大雨多以船筏邀利爭競溺死璋一切籍之約  
所勝載如黃河法發卒城州西關調夫修路數十里夾道植柳  
人指爲李公柳知鄧州坐失舉改節振武軍知郢州卒年五十  
三贈太尉諡良惠 璋尚主珣字公粹以陰爲閣門祇候車駕

視用和疾擢西上閤門使累遷均州防禦使知相州賜御製詩  
飛白字寵其行未幾遷相州觀察使使契丹預釣魚會遣以金  
器使還悉上之更賜黃金及李珣忠孝字熙寧中遷宣州觀察  
使知潁州哲宗初進泰寧軍留後提舉萬壽觀故事正任遇覃  
恩止移鎮惟宗室乃遷官至是珣與李端慤皆特遷覃恩遷官  
自此始卒年七十四

李端懿字元伯駙馬遵勛子性和厚喜問學通陰陽醫術星經  
地理七歲授如京副使侍真宗于東宮尤所親愛嘗解方玉帶  
賜之稍長出入宮禁如家人七遷濟州防禦羣牧副使杜衍擇  
外戚子弟試外官以知冀州爲政循法度民愛其不擾有言妖  
人李教不死在王則軍中端懿辨其誣妄降單州團練使知筠  
州改滑州兵馬鈐轄賊平果誣復以爲汝州防禦使提舉在京

諸司庫務遷蔡州觀察使同勾當三班院母喪終制提舉集禧  
觀出知鄆州兼京東西路安撫使大水民饑發廩以賑置弓手  
局教以嚴鬪悉如精兵治汶陽堤百餘里以却水患民益便之  
除寧遠軍節度留後知澶州赴任數月卒帝聞爲撤樂贈感德  
軍節度使諡良定再贈侍中爲人能自刻厲聞善士傾身下之  
以故甚得名譽 端愿字公謹亦由如京副使四遷恩州團練  
使歲旱仁宗御便殿慮囚上言縱釋有罪此特小人之幸放宮  
女或爲宦者專制反失所歸何以弭災變累進邢州觀察使鎮  
東軍留後知襄郢二州上言常賦三折其民不堪而本路轉運  
乃獻羨財帝怒奪轉運賞申折變之禁移廬州英宗初同提舉  
在京諸司庫務求對勸上躬攬乾綱以係人心不宜退托失天  
下望拜武康軍節度使知相州歸除醴泉觀使嘗言初官喜事

飾厨傳以干名川譽者至更事既久知抑豪彊制猾吏故毀隨之富弼深然其言請老以太子少保致仕凡大禮成賜金帶器幣品數視執政舊宗進太子太保欽聖皇后以甥舅之故嘗幸其第致禮于獻穆祠堂命近侍掖勿拜元祐六年卒帝輟朝臨奠賻典加等贈開府儀同三司 端愨字守道累官左藏庫使遷東上閣門使幹辦三班院嘗侍宴翠玉殿仁宗賜珠花飛白字寵顧特異歷知邢冀衛三州至蔡州觀察使元祐中終安德軍留後贈昭德軍節度使諡恭敏先是嘉祐時端懿密請建儲人無知者元豐間因進對神宗命就其家錄取舊稿以進詔褒爲近世賢戚以故其名益著 姪評字持正由東頭供奉官八遷皇城使授西上閣門使爲樞密都承旨出使陝西河東疏父端愿手寫趙普諫太宗北伐疏言城隩兀非便乞速毀撤解一

路之忠又言王師征安南而取卒於西北使蠻間之得以窺我  
多見施行尋領榮州刺史出知穎州還幹當三班院副韓縝報  
聘契丹分畫河東地界二年乃決賜袍帶金帛進成州團練使  
知蔡州卒年五十二贈冀州觀察使爲人天資刻薄招權不忌  
多布耳目采聽外事僥倖進用中外側目自以少涉書傳奉公  
主遺奏召試學士院改殿中丞意不滿辭之後二年再召試復  
止遷一官愈不悅至上書辨論及卒人無憐者

曹琮字寶章彬少子慈聖太后從父幼時從妓興平郡主入禁  
中太宗稱爲佳兒隨父鎮海軍補衙內都指揮使遷西頭供奉  
官閤門祇候勾當驛院羣牧市馬課羨遷西上閤門副使坐  
曹利用劾貶河陽兵馬都監領內軍器庫榮州刺史后初受冊  
禮皆琮主辦除衛州團練使辭以備后族不宜冒恩澤廢至公



族人敢因緣請託願致于理時論稱之除環慶路馬步軍總管知邠州秦州防禦使秦鳳路副都總管兼知秦州度羨材爲倉廩積穀古渭冀城生羗屢入鈔邊琮懷以恩信多請內屬寶元初南郊召入侍會元昊反拜同州觀察使復知秦州上攻守禦三策兼同管勾涇原路兵馬定國軍節度觀察留後劉平敗請籍民爲義軍以張兵勢賊寇山外還天都劫儀秦鄆戶琮發騎士設伏以待又欲誘吐蕃倚角圖賊得西川舊賈使諭意沙州鎮王子遣使奉書言我本唐甥天子實吾舅也自党項破甘涼遂與漢隔今願率首領爲朝廷擊賊帝善琮策改陝西副都總管經畧安撫招討副使拜爲步軍副都指揮使與夏竦屯邠州還以疾卒帝臨奠后亦出臨喪就第成服贈安化軍節度使兼侍中諡忠恪爲人小心謹畏善贊謁御軍嚴整死時家無餘貲

子佺皇斌使嘉州防禦使 從子佺字公伯玘子后親弟性和

易美儀度通音律善奕射喜爲詩自右班殿直累進殿前都虞  
候安化軍留後年未四十出知澶青許鄆四州徙河陽歷建武  
保靜保平三軍節度使爲宣徽北院使同中書門下平章事景  
靈宮使加兼侍中封濟陽郡王神宗每咨以政不答帝語大臣  
王雖近親貴幸而端拱寡過善自保真純臣也進對未嘗名元  
豐中以疾告旣愈入謝帝曰舅久不覩太皇太后宜少憇內東  
門朕當自啓已而名入歷上下儒釋道五闈大椿蟠桃亭再升  
殿乃退太后崩推恩拜司徒兼中書令護國軍節度領太一宮  
使給朱衣雙引騎吏前馬喪終謂郡帝日時見舅如而慶壽宮  
柰何欲遠朕得無禮遇有不至乎佺皇恐卽城南爲圓池給八  
作兵屯役疏惠民河水灌之且將爲築三百楹第固辭乃止高

麗獻玉帶爲秋蓋白鷺紋極精巧詔後苑工以黃金倣其製爲帶賜侑生日賚予如宰相親王用教坊樂工服色衣侑酒以示尊寵哲宗加少保坤成節獻壽特緩宰相班優詔減拜卒年七十二贈太師追封沂王兄傳榮州刺史諡恭懷侑從弟偕字光道少讀書知義以節俠自喜爲許州都監幕客史沆傾儉不法上下畏之偕從容置酒對客數其十罪將擊殺之沆起拜謝爲之歛迹累遷東上閣門使帶御器械知雄州議者欲廢塘梁爲田偕持不可進華州防禦使知相州徙河陽總管卒嘗從梅堯臣學詩獲稱許爲序其詩二子評字公正以蔭累官至引進使知審官西院積遷溫州防禦使元祐中提舉萬壽觀請外爲真定路鈐轄哲宗改總管徽宗遷相州觀察使歷龍神捧日天武都指揮使歿前都虞候馬步軍副都指揮使寧遠軍留後平海

軍節度使佑神觀使凡四使契丹十二館伴歷東西閤門預修儀制多所增損性喜文史書有楷法慈聖命書屏以奉神宗賜玉帶旌其能尤善左右射館伴時嘗雙破的使者驚竦戚里中號爲沉厚卒年六十六贈開府儀同三司 諡字公善以蔭至左藏庫副使神宗授閤門通事舍人元祐中歷東上閤門使真定府并定州路兵馬鈐轄遷文州刺史使契丹至其宮門館客者下馬邀同入辭以北使至及朝堂門無妄生事遂乘馬入使還爲樞密副都承旨徽宗進都承旨累慶州團練恩州防禦晉州觀察使保慶軍留後大觀中進安德軍節度使醴泉觀使兄弟同日拜立雙節堂於家戚里榮之性謹密習熟典故卒年六十五贈開府儀同三司諡忠定

高繼勳字紹先宣仁太后之祖儀狀頎偉初補右班殿直太宗

見而異之擢寄班祇候歷內殿崇班崇儀副使討王均爲益州兵馬提舉西川諸州軍巡檢公事雷有終與兵五百使守東郭門會賊攻彌牟砦引兵轉鬪至嘉州敗之獲黃緞金塗鎗以還。有終度賊已窘益以勁兵薄天長門繼勦率衆盛戰身被數創血濡甲縷馬死更馬復戰會內使蔡翰來援賊退保子城潛知賊欲夜遁開圍使得潰去以功轉崇儀使餘黨保山澤時出剽劫復徙繼勦綿漢劍門路都巡檢使募惡少偵賊動靜窮蹊巖穴掩其不備悉以擒滅還朝遷洛苑使并代州鈐轄屯岢嵐軍契丹聚兵屯草城川繼勦登高望之謂軍使賈宗曰彼衆而陣不整我兵雖少可以奇勝乃先伏兵山下轉戰至寒光嶺伏發契丹果敗相蹂躪死者萬餘獲馬牛橐駝甚衆遷弓箭庫使賜金帶錦袍領榮州刺史徙麟府鈐轄時河外屯兵饋運不屬因

扼兔毛川援軍食師乃濟擢知環與瀛州歲饑募富人出粟明年大稔木生連理郡上治狀請留選內藏庫并宮苑使使契丹還知定州遷西上閤門昭州團練使邠延路鈐轄坐市馬虧價失官已而復原職知冀與貝州仁宗真授隴州團練使知雄州猝報契丹兵入繼勳不爲動已乃知渤海人出獵邊贖安靖擢捧日天武四廂都指揮連州防禦使歷至保順昭信二軍節度使馬軍副都指揮爲莊獻莊懿二后山陵圍陵都總管老病乞骸召見許一子扶掖勿拜復授建雄軍節度使知滑州會河水暴溢鵲堤岸躬自督役水乃殺滑人德之卒年七十八輟朝贈太尉繼勳性謙抑有機略善撫論士卒臨戰輒勝在蜀有威名號神將後奉太后恩累贈太師尚書令兼中書令追封康王愷穆武神宗詔宰相王珪爲神道碑御篆碑首曰克勤敏功鍾慶

之碑二子遵甫太后父官至北作坊副使先卒贈官一同追封  
楚王遵裕字公韓以陰累供備庫副使鎮戎軍駐泊都監夏人  
寇大順城諒祚中矢道會遣告英宗衷抵宥州夏遣王盭以吉  
服來迎遵裕責以易服語及大順事盭曰剽掠草耳遵裕詰曰  
若主扶傷而遁豈云剽耶夏人以爲辱亟遣人代對曰王人蔑  
視下國豈欲控弦執韃以相周旋乎遵裕瞋目曰主上天縱神  
武毋肆狂蹶以干誅戮時諒祚覘於屏間搔手使止神宗聞而  
嘉之擢知保安軍稱得密旨使諭种諤圖橫山寨取綏州雋被  
異坐降乾州都監遷通事舍人主管西路羌部圖籍及繪曰唐  
武勝形勢入獻擢引進副使帶御器械俾歸治師夜行次慶平  
堡晨至野人關羌人旅拒遵裕引親兵一鼓破之進營武勝城  
羌衆逃去遂據其城詔建爲鎮洮軍命知軍事尋以熙河洮岷

通遠爲一路復克總管進西上閤門使榮州刺史王韶與李憲  
欲取河州勸令先建堡砦以漸而進今兵糧未備使彼阻絕要  
害我軍進退無所矣韶以爲挾異檄使守臨洮後果不克帝善  
其議令專管洮岷疊巖未款附者邇龍珂地有鹽井爲築鹽川  
砦瞻吳叱率諸羌脅青唐欲叛韶遣張玉攻討奏言青唐無罪  
第爲生羌所脅遣裨將與龍珂禦之青唐人見龍珂泣訴瞻吳  
叱知不附已潰去遂從韶竟取岷州令士衆生獲老幼與得級  
同全活者以數萬捷聞加岷州刺史明年羌乘景思立之敗圍  
河岷二州道路不通者幾月或請退保遵裕不許自登西門命  
將出縱擊別選精騎由南門出合擊之羌敗走韶以岷城遠難  
守議棄之至則賊已潰論功進團練使龍神衛都指揮使知熙  
州坐薦運使張穆之獲罪罷知穎州徙慶州又坐事黜知淮陽



元豐四年復知慶州詔與諸路討夏國遵裕請濟師騎不足  
用益以羣牧馬又令節制涇原兵嫉劉昌祚先至靈州幾入城  
不用其計遂以黃歸貶鄧州團練副使哲宗復右屯衛將軍主  
管中獄廟卒年六十贈永州團練使紹聖中加奉國軍節度觀  
察留後從子遵惠字子育初蔭爲供奉官熙寧中試經義中  
選換大理評事歷三班院軍器丞擢太僕少卿太府卿出知河  
中改河北都轉運使以集賢殿修撰知鄆與河南穎昌加寶文  
閣待制知成德軍名除工戶二部侍郎龍圖閣學士知慶州卒  
年五十八贈樞密直學士爲人能遠嫌自保方太后臨朝繩檢  
族人一以法度躬表率之人無間言元祐初上疏言法度更張  
事有當否如先帝所施設未可輕議故獨不惟紹聖之禍惠從  
姪士林字才卿累官內殿崇班至殿直英宗書謹守法律四字

海之曰能此則爲良吏每欲遷擢后屢辭素喜儒學涉閱經史  
通大義尤有巧智嘗監揚州名伯廬稅木舊用火印易以刃尤  
爲簡便傍郡皆效卒贈德州刺史神宗加昭德軍節度使紹興  
初追封普安郡王其子公紀字君正歷閤門祇候通事舍人寧  
州刺史本州團練永州防禦使集慶軍留後性儉約珍異聲伎  
一無所好俸祿多以給諸族得任子恩均及孤遠卒贈感德軍  
節度使諡懷僖紹興初追封新興郡王子世則字仲貽以恩補  
左班殿直至內殿崇班閤門祇候除親衛郎以通經典轉內殿  
承制累遷康州防禦使知西上閤門事宣和未金使至命掌客  
記問該洽應對有據帝聞悅之屢以是命及兵至城下又命往  
使還進秩二等除康王計議副使徙使河北改華州觀察使召  
對賜金帶當艱難中嘗在左右寢處不少離俄克大元帥府參

議官請布檄諸路以定人心承制轉越州觀察使高宗卽位除  
保靜軍承宣使提舉萬壽觀令編類元帥府事迹付史館遷樞  
密都承旨兼提舉京畿監牧居溫州積俸至二萬緡輒請以裨  
郡費常病瘍艱於揀按上以舊所御肩輿賜之每念宣仁外家  
班秩無顯者拜爲成德軍節度使開府儀同三司奉朝請賜第  
臨安除景靈宮使兼判溫州以病丐罷入覲進少保卒年六十  
五贈太傅賜田三十頃諡忠節

任澤字天錫仙遊夫人母弟英宗入繼大統名至延和殿投西  
頭供奉官賜第一區寵賚甚厚神宗累遷皇城使穎昌刺史護  
仙遊柩還祔濮園真拜嘉州刺史卒贈崇信節度使諡恭僖賜  
墓寺額名旌孝爲人性謹篤起由山里際會恩寵能自安繩檢  
帝欲廣其居固辭當任子弗濟時以爲賢

向傳範字仲模神宗皇后從祖初任衛尉丞娶南陽郡王惟吉女安福縣主改內殿崇班帶御器械歷知相恩邢三州入管客省閤門皇城司知陝州仁宗賜詩以寵其行熙寧初知鄆州兼四路安撫使至密州觀察使卒贈昭德軍節度使諡惠節平生歷官有能稱葬族人在殯者六十四喪 姪經字審禮皇后之父初蔭虞部員外郎女爲穎王妃改莊宅使立爲皇后進允州團練濰州防禦使頗狃以才見用數請補外擢知陳州歲中閔曰活重辟三人西華令掠人至死吏畏莫敢言經得其情窮治如法大雪弛公私僦錢以寬民斥公使錢歸有司以供享勞實客軍師之用不以自私改知河陽會旱蝗乏食先推公田租入振之富人爭出粟多所全活徙徐州遷明州觀察使召還提舉景靈宮進定國軍留後復知青州所至勤吏治事皆自決嘗因

太祖忌日百官班開元殿下后名見行惺勉以盡忠朝廷經亦  
以善事三宮爲言不及家事卒年五十四三宮皆出臨帝出郊  
奠皇后哭于新昌第給太常鹵簿交遣近二護喪穿穴復土贈  
侍中謚康懿賜篆碑首曰忠勤懿成綜字君章知歙縣籍閩  
里惡少多有盜發用以推迹輒得轉通判桂常二州知隨鼎隴  
汾密棣沂七州沂阻山多盜請用重法繩禁歲斷大辟減半初  
至州兵久惰綜置官捉舉頗不悅監兵告有變綜居自若明日  
大閱申嚴號令賞罰竟亦無事性寬裕善治劇於姦惡不少怨  
官累中散大夫卒經字宗回字子發累官相州觀察使徽宗  
進彰德軍留後歷安國保信鎮南保平四軍節度使檢校司空  
封永陽寧海安康漢東四郡王開府儀同三司少驕恣有小才  
嘗權羣牧都監以蕃息被賞出知蔡州擒劇賊其黨類歲餘

發原興力役官舍帑廩一新饑者得濟崇寧初有告其陰事者宗同惶懼上還印綬以太子少保致仕言者不已削爵流彬州行二日聽家居省咎踰年還其故官欽聖后服除起奉朝請卒年六十二帝制服苑中贈檢校少師謚榮縱 宗良字景弼歷秀州刺史利州觀察使昭信軍留後奉國清海鎮東武寧寧海軍節度使永嘉郡王開府儀同三司與蔡京相結及預政事亦能恪共自守卒年六十六贈少保 從孫子諤字伯恭恩補承奉郎知咸平縣豪民席勢犯法府尹盛章方以獄空覲貲却不受子諤以間詔許諭決章怒劾以他事停勅宣和初復除江淮發運司主管文字淮南仍歲旱漕不通有欲濬河與江淮平者子諤力言不可又言曩有司三日一啓闕復作澳儲水致水不之比年行直達之法加以應奉往來啓閉無節堰閘率不存今

復故制嚴禁約則無患矣使者用其言漕復通名對除淮南運  
判升直秘閣爲京畿轉運使遣進士李植獻金帛錢穀於濟州  
以助康王軍費。焚張邦昌手書不啓封械繫所遣勿劉達于獄  
仍令子澹請王率諸將渡河起勤王兵遣將王儀統赴城下遷  
直龍圖閣江淮發運副使高宗卽位上書技劾諸路監司廢格  
靖康蠟詔及勤王稽緩者願悉加顯黜有武尉徐端益不肯拜  
邦昌爲詔請易以文資坐與李綱善黃潛善斥之復起知潭州  
坐失守落職紹興元年移鄂州主管荆湖東路安撫司軍于安  
仁以無救兵爲盜曹成所執會宣撫都統制馬擴遣人持吳敏  
檄諭成招降之始釋子諲詔提舉太平觀胡安國以誓抵秦檜  
憐其忠節願復加收用起知廣州又以言致仕再起知江州改  
江東轉運使進秘閣修撰徽猷閣待制兩浙都轉運使除戶部

侍郎入見論京都舊事起居郎潘良貴屬辭叱之曰不宜以無益之談久煩聖聽上色變欲抵良貴罪中丞常同固諫於是三人俱罷出子謹知平江加徽猷閣直學士金使議和將入境不肯拜詔忤檜復致仕卒年六十八子謹本相家子能修飭自見友愛諸弟置義莊贍宗族貧者

王庠字周彥築州人母向氏卽欽聖后姑祖伯琪以義聲著于邠州有鹽井籍民煎輸多至破產惟有祿之家得免伯琪請於州均之官戶遂爲仕者誣訴貴恨以歿父夢易登皇祐進士力成父志言於三司上聞獨其族額後坐事錮三秩罷歸而卒庠幼穎悟七歲能文儼如成人與弟序同業制舉閉戶窮經及傳注之學元祐中呂陶薦舉賢良方正直言極諫庠以宋邦傑學成未有薦者推使先就陶問益加敬未幾紹聖特罷制科庠嘆



以爲命但無愧先訓以之行已足矣崇寧壬午京師蝗上書論  
時政得失張舜民見之歎其危言下第徑歸母年五十二求侍  
養不願仕大觀庚寅行舍法州復以庠應詔辭以母年六十不  
願奉詔紹聖中元祐黨禁方熾庠自陳與蘇軾蘇轍范純仁知  
已呂陶王吉嘗薦舉黃庭堅張舜民王鞏任伯雨爲交游不可  
人舉求仕願屏居田里雖處山林唱酬賦詠皆愛君憂國之言  
太后念欲官之庠以遜序升朝母卒終喪起舉八行大司成考  
爲天下第一盡以田均給庶兄弟姪及前母之姊詔旌其門命  
以官不屈賜號處士尋改漳州府教授賜出身及章服力辭不  
受而卒孝宗諡曰賢節序宣和間以恩倖至徽猷閣直學士兄  
弟各建大第或者議庠隱操晚節或少衰云

孟忠厚字仁仲隆祐太后兄封咸寧郡王彥弼之子后退居瑤

華宮哲宗恩眷不衰故忠厚得以仕進宣和中官至將作少監  
靖康元年知海州召權衛尉卿金人圍城后宮火出居其家兵  
退邦昌迎后聽政遣忠厚持書遺康王卽位授徽猷閣待制提  
舉迎后一行事務尋兼幹辦奉迎太廟神主事帝幸揚州除顯  
謨閣直學士后問筮諫論列命易武秩授常德軍承宣使幹辦  
皇城司未幾奉太后幸杭州苗傅亂平推恩授寧遠軍節度使  
尋奉后幸南昌歸越丁母憂直后崩以祔廟恩起復鎮海軍節  
度使開府儀同三司大祥封信安郡王克禮儀使奉神御幸溫  
州紹興九年判鎮江府改兼明婺二州安撫使又判紹興兼修  
奉攢宮事加少保三梓宮歸克迎護使及營佑陵秦檜當總護  
憚往除忠厚爲樞密使以代其行山陵事畢欲歸樞府檜復忌  
之諷言路引故事論列出判福州時海寇猖獗帝慮不能弭患

改判建康檜怒郊恩謝表有本無時才出爲世用語中丞詹大方希意論其輕侮罷爲醴泉觀使檜死起保寧軍節度使判平江遷紹興復克萬壽使提舉秘書省卒贈太保三子皆除直秘閣親屬六人各進一官生平避遠權勢奉太后訓不敢以私干朝廷帝特以擁佑功眷之特優賜田三十頃金使至特命押班且令月過局如宰執例從父彥卿頗知兵爲潭州通判建炎三年潭卒叛自東門出帥臣向子諲命領兵追之已而招安其衆未幾潰兵杜彥自袁州入瀏陽遂犯善化長沙二縣彥卿率民兵拒之手殺數人賊勢挫退還瀏陽復與戰衆心不固有自潰者賊遂乘之遇難支解持其首以駭所掠民兵曰此善戰孟通判首也子諲更遣添差通判趙民彥赴之衆推邑士謝淳才勇以爲前鋒鏖戰瀏陽城南依山爲陣殺傷甚衆有爲賊間者

折其陣中認旗衆驚謂已遁遂潰民彥爲賊所得淳亦力屈被  
執賊併殺之事聞並贈直龍圖閣各官其家三人淳字景祥贈  
成忠郎官其子晞古朱熹帥湖南請爲彥卿民彥立廟以淳侑  
之

鄭興裔字光錫初名興宗徽宗皇后孫會祖紳祖翼之陸海軍  
節度使父蕃和州防禦使興裔早孤字于叔父濂分以餘貲不  
受請立義莊贍宗族濂沒解官行服致追報之義初以后恩授  
成忠郎幹辦祇候庫克孟后攢官內外巡檢累至江東路鈐轄  
乾道初建康留司請治行宮備巡幸奏謂勞人費財乞罷其役  
且言都統及馬軍帥皆非其人徙福建路兵馬鈐轄過闕入見  
詢以守令減否條析以對孝宗稱其識時務習吏事行當用卿  
會復置武臣提刑就命爲福建路加領高州刺史郡縣積玩檢

驗法廢至則初爲格目分界屬縣吏不得行其姦因着爲令建  
劍汀邵鹽羨屢更漕臣請易綱運爲鈔法興裔極言不可海寇  
倏去忽來調兵常無及請置澳長寇至徑率民兵禦之又言禁  
兵事藝不精多克私役乞行禁止尉以捕盜改秩多僞當加審  
貨帝善其言加成州團練使傳聞金欲敗盟召爲賀生辰使以  
覘之還言無他累差浙東西江東提刑請祠歸尋詔知閭門事  
兼幹辦皇城司樞密副都承旨有軍婦殺兒取件釧以棄屍無  
驗刑部出之命復治得貨帝喜賜若第母憂服闋除均州防禦  
使再使金還還潭州觀察使復請祠起知廬州嘗卻鄰道互禮  
及移知揚州按籍已無奏嚴其禁揚有重屯糧乏例糴他境至  
卽搜括滲漏補之食賴以足俗皆茅舍命貸錢易瓦以免火患  
復修學宮立義塚定部轄民兵升差法郡以大治楚州議改蔡

城命往視乃增其郭帑與元年遷保靜軍承宣使領內祠克明  
堂大禮主管公事寧宗立除知明州兼沿海制置使告老授武  
泰軍節度使卒年七十四贈太尉諡忠肅與裔歷事四朝以材  
名結主知中興外族之賢未有其比子三人挺國棟使歷淮襄  
兩道帥損登進士甲科與抗皆位干朝

韋淵顯仁太后季弟靖康中官至拱衛大夫忠州防禦使勾當  
軍頭引見司邦昌遣持書遣康王卽位遷親衛大夫寧州觀察  
使知東上閤門事言橫行五司尚未遵元豐舊制乞併引進司  
歸客省東西閤門合而爲一以省冗費從之命同管客省四方  
館閤門事性暴橫不循法度帝慮其有過難行法遂遷福建副  
總管引疾丐祠久之落階官除德慶軍節度使召赴行在除開  
府儀同三司陳乞恩數賜田五十頃房緡錢日二萬太后將還

封平樂郡王逆于境上歸還少師奉朝請在內不得逞乞致仕  
任便居住未幾帝恐其肆橫復詔還居賜第從朝景靈宮見太  
后出言詆毀詔御史余堯弼鞠治責授寧遠軍節副袁州安置  
二十二年復故職加太保更太傅卒贈太師子三訊謙謙訊紹  
興中官至達州刺史坐過用太后旨降武德郎與嶺外監當謙  
好學能詩官至建康軍節度使孫璞淳熙末仕至太府少卿高  
宗崩擢司農少卿爲金國告哀使錫宴不肯用樂又不肯吉服  
以凶服見紹熙初除明州觀察使至清遠軍節度使致仕卒贈  
太尉

邢煥字文仲開封人高宗后父初陰汜水縣簿監在京藥局平  
準務茶場以勞改宣德郎莫州司錄移知陽武縣提舉開德大  
名府堤埽靖康初主管亳州明道宮高宗卽位升右文殿修撰

兼徵猷闡待制諫議衛膚敏言其不當改光州觀察使除樞密都承旨屢奏馬仲言事切當宗澤忠勞可倚黃潛善汪伯彥誤國其言多所裨益遷保靜軍承宣使遇苗劉變自度不能爭以病免提舉萬壽觀求去改江州太平觀徙居忠州紹興二年入對首陳川陝形勢利害請幸荆南分兵以圖恢復帝甚嘉之復以爲都承旨引疾不拜擢慶遠軍節度使提舉洞霄宮爲人涉學有文節儉自持未嘗恃恩私請議者取焉卒贈開府儀同三司諡恭簡加贈少師追封嘉國公

潘永思賢妃叔父妃初進封賜以梁師成第建炎初爲閤門宣贊舍人帶御器械遣迎元祐太后于虔權三省樞密事頗與盧益交結爲諫官吳表臣所論范宗尹請出之帝不許詔罷其祿使知悔過旣而辛企宗言其捕妖賊有功復帶御器械未幾大



理推治僞告事連永思罷職就逮獄成追一官尋復官歷知閩門擢右武大夫卒

吳益字叔謙蓋字叔平俱憲聖后弟益建炎末以恩補官累遷幹辦御輦院帶御器械蓋紹興五年亦以恩補累遷閩門宣贊舍人帝與后皆喜翰墨益兄弟師法之咸有書名后受冊推恩加益成州團練使蓋文州刺史帝爲置皇后宅大小學教授以王鉉爲之鉉明經善訓導一時折節事之益娶檜長孫女又交結王繼先相薦引故三家姻族皆賦賸美官益投直秘閣及檜進徽宗御製辭免加恩特命賜益三品服累加秘閣修撰直徽猷閣復以檜提舉編修寬恤詔令加直寶文閣檜死煢復請升敷文閣待制加益太尉中丞湯鵬舉乞祿職名以示至公帝謂當然但朕於莫檜日諭其妻子許以保全若遽傷恩出其壻臣

俯得無更有論列由是不復遷後至保康軍節度使開府儀同  
三司顯仁后葬爲攬宮總護使進少保孝宗進少傅又進太師  
封太寧郡王卒年四十八諡莊簡追封衛王蓋官至武寧軍節  
度使太尉開府儀同三司累升少保封新興郡王卒年四十二  
贈太傅追封鄭王 益子瑒習吏事乾道九年特授臨安府通  
判歷尚書郎換資至鎮安軍節度使復以才選除知明州兼沿  
海制置使寧宗初乞祠尋知鄂州再知慶元府位至少師判建  
康府兼留守卒爲人篤于信義善遠權勢趙汝愚令達立嘉王  
意瑒遜謝不敢當太后垂簾瑒又言可暫不可久后遂以翌日  
撤簾嘗使金言南使中惟吳瑒言可信沒後因夔和不成益重  
之瑒瑒官至保靜軍節度使蓋子曠亦至昭化軍節度使族子  
銅九歲能誦六經語孟擢童子科特補承務郎

夏執中孝宗皇后弟初補承信郎閤門祇候遷右武郎閤門宣贊舍人帶御器械淳熙十五年遷奉國軍節度使提舉萬壽觀率宗加少保既貴始從師學作大字頗工復善騎射太上壽日近戚爭獻珍異獨大書一人有慶萬壽無疆八字以獻高宗喜錫賚甚渥嘗爲館伴與金人連射背中的孝宗聞其才將召用之謝曰保全足矣他日無累陛下人以此益賢之 同時謝皇后弟淵初授武翼郎歷閤門宣贊舍人帶御器械光宗遷果州團練使率宗轉萊州防禦知閤門事仍幹辦皇城司至保信軍節度使尋加太尉開府儀同三司封和國公薨贈太保

張說開封人父公裕和州防禦使建炎初有軍功說受任爲右職娶壽聖皇后女弟累遷知閤門事隆興初兼樞密副都承旨乾道初爲都承旨加明州觀察使七年三月除簽書樞密院事

命下朝論不平同知密院劉珙恥與同列固辭起復左司員外郎張栻在經筵力爭之中潯舍人范成大不草詞罷爲安遠軍節度使奉萬壽觀祠不數月出知袁州語人曰張左司平時不相樂固也范致能亦胡爲見攻指所坐亭是材植皆致能所惠八年復提舉萬壽觀簽書樞密院事侍御史李衡右正言王希呂交章論之起居郎莫濟不書錄黃直院周必大不草答詔轉命權給事姚憲書行翰林學士王曠草答詔未幾曠升學士承旨憲爲諫議大夫賁希呂合黨邀名持論反覆與遠小監當衡素與說厚所言亦婉止罷言職遷起居郎濟必大皆與在外宮觀日下出國門司業劉焯移書賁宰相言說不當用言者復希意論焯出爲江西運判自此聲勢赫然無敢撓之者九年仍拜同知樞密院事露章薦濟必大二人皆予郡必大終不出淳熙

元年帝廉知說欺罔數事命侍御史范仲芑寃之罷爲太尉提  
舉玉隆宮諫官湯邦彥又劾其姦賊降爲明州觀察使責居撫  
州并貶其子文州刺史薦明州觀察使凝于彬州三年許自便  
七年卒于湖州孝宗猶念之詔復承宣使給事中陳峴繳之乃  
止說先在樞筦南丹州莫延甚表乞就宜州市馬比橫山省三  
十程有論其不便不聽及說貶始罷又嘗建議欲即官卿監通  
差武臣留正以爲不可復與右相梁克家議使事不合克家罷  
說獨留其竊政權傾大臣類如此

李道字行之光宗后父幼時與兄旺聚衆歸宗澤澤因事斬旺  
命道掌其軍澤薨道引軍依桑仲奏除武義郎副都統制兼知  
隨州進閭門宣贊舍人後霍明殺仲道與統制李橫率兵縞素  
圍明于邳明亡去劉豫遣人持誓來招道不從執其使以聞詔

嘉獎之豫怒遣將穆楷攻道復拒破之除鄧隨鎮撫使兼知鄧州會李橫已命別將守鄧道不敢進仍知隨州密院以能察軍情詔褒賞領榮州團練使進武義大夫守唐州胡安中勢孤不能自立欲附于豫道招使來歸俄因李成入寇道與橫各棄鎮南至汀州詔屬岳飛爲選鋒軍統制入唐州擒僞將除唐鄧鄂州襄陽都統制從飛收復襄陽等郡投行營護軍累至復州防禦果州觀察使戍鄂州加中侍大夫歷武勝保寧鎮南三軍承宣使御前諸軍統制武興蠻楊再興連歲寇掠道破之擒再興及其二子正修正拱檻送行在磔之于市又羣盜朱持等聚桂陽詔移軍衡州措置盜賊遣高仲等擊平之賞功落階官爲龍神衛四廂都指揮使將士進官賜錢有差金將渝盟道以所部戍荆南劉錡奏爲御前諸軍都統制金將劉士蔣屯光化境道

掩擊焚其舟葺遂遁去尋與鄂帥不協罷踰年起授捧日天武  
四廂都指揮使知荆南府隆興初復劾其戚里妄作又罷久之  
再為湖北副總管卒贈太尉慶遠軍節度使諡忠毅後進封楚  
王孫孝友孝純閤門宣贊舍人皆至節度使

韓同卿寧宗后父懼侂冑專權聲勢薰灼每以盛滿為言絕不  
敢干預時政人咸以善遠權勢許之初由知秦州陞揚州觀察  
使累遷慶遠軍節度使加太尉妻莊氏封安國夫人卒後一年  
侂冑敗仍贈太師諡恭靖官其子瑛為承宣使

楊次山字仲甫其先開封人曾祖全以材武奮靖康末死于難  
祖漸遺澤補官因仕東南家于越之上虞次山儀狀魁偉少好  
學能文補太學生自言與寧宗楊貴妃同宗霑恩至武德郎遷  
帶御器械知閤門事領吉州刺史妃立為后進福州觀察使岳

陽軍節度使勗家廟加太尉以誅侂冑功加開府儀同三司檢校少保封永陽郡王南郊恩加少傅克萬壽觀使致仕加太保移節安德昭慶兩軍改封會稽郡王卒年八十一贈太師追封冀王爲人能避權勢不預國事子二谷至太傅保寧軍節度使克萬壽觀使永寧郡王石字介之乾道間入武學后恩賜登第補承信郎差克閭門祇候尋帶御器械嘉泰四年克賀正旦接伴使時金使驕倨自矜善射石挽弦三中奪其氣嘉定改元除揚州觀察使知開門事進保寧軍承宣使就遷節度使提舉萬壽觀奉朝請封信安郡侯十五年檢校少保進封開國公寧宗崩史彌遠謀廢立與谷並授開府儀同三司理宗初太后垂簾聽政石密疏先朝主上或在幼冲或由撫育未諸軍國重事故母后臨朝今主上熟知民事天下悅服願蚤還政以杜小人



離間之嫌奏入后卽命擇日撤簾進少保封永寧郡王太后三  
上冊寶兄弟並進少傅升少師太傅祔廟除太師以彰德集慶  
二節度使進封魏郡王卒年七十一贈太師族孫鎮尚主風孫  
等推恩皆至通顯